

光緒江西通志

江西通志卷一百六十六

列傳三十三

九江府二

國朝

廖士貞德化人順治鄉舉官四川營山知縣賊彭時亨陷城被執遇害贈按察司僉事蔭一子入監

安志

柳文標字茂士德化人順治副榜貢生官福建邵武通判兩攝建甯縣事皆著治績尋擢同州知州補雲南尋甸州終工部屯田司員外郎既歿福建雲南民祠祀之不衰

府志
建通志
福

秦駿字雲中湖口人順治歲貢官弋陽訓導工詩弋陽知縣劉臨故名進士數與酬答在官和易清介臨尤重之嘗捐俸資粥以食饑民累遷清江教諭撫州教授當

改官辭歸放於詩酒以終

府志

閔應一作允嘉字玉孺德化人順治選貢授福建龍巖縣

丞甫蒞任海賊入寇縣官負重疾未視事應嘉籌餉登
埠晝夜守禦時漳屬十縣已陷其九龍巖卒賴以全上
官嘉其功委權安溪武平德化南安諸縣升延安同知
以疾卒著有雪齋蕉夢軒諸文集

白

周岱生字青嶽德化人順治拔貢官貴州餘慶知縣丁
憂起補廣西平南縣兵事方定土地荒蕪岱生招民開
墾教植蔬菜甲寅吳三桂叛寇盜蠭起賊渠緣成德破
梧州攻平南岱生率鄉兵出討賊退踰月復至岱生躍
馬斬賊賊至益眾矢且盡鄉兵戰死者三十餘人岱生
退保城浹旬城陷賊繁岱生往潯州妻楊氏自刎死賊

誘岱生降厲聲曰何不速殺我遂遇害長子儒哭詈益急賊又害之次子燉聞變走粵西得父母兄三戶具告於潯州知府上其事巡撫郝浴特疏請卹贈按察司僉

事

賜祭葬

謝志

李尙珍字猶石瑞昌人順治貢生主講鷺湖鹿洞昌明理學選官臨汾縣丞政事文學爲上官引重擢魚臺令士民德之以憂歸尙珍嘗言學問無盡仁恕二字是持身率物之準

府志

鄒光旺曹君愛俱湖口人順治三年大旱鄱陽石黑子假名塘兵入境恣焚殺光旺君愛率壯丁扼於西洋橋殺六賊明日與戰又勝之越七日賊眾奄至力不支皆

遇害然賊自是不敢至湖口

府志

呂國珍德化人年十歲刲股愈母疾十二歲時父爲兵執國珍引頸就刃曰乞殺我以代父兵感而釋之母再病篤國珍冒風濤乞醫藥中流舟覆漂數里遇灘獲免

府志

劉曉字映藜彭澤人少負志節從軍入雲貴授宜章知

縣擢永甯知州民呼爲福星吳三桂叛從將軍傅宏烈討賊有功升平樂知府別領軍復賀縣殺賊萬計陳進

取機宜稱

旨進參議加道銜賞賚有加尋以監軍道隨剿蠻荒所向無敵在軍嚴紀律所過德之進廣西右江道以裁缺改浙江

糧道

聖祖南巡召赴丹陽行在曰此百萬軍中一書生也

賜之鹿尾旋以病乞休同邑葉日頤偕曉從軍亦有功母老辭

歸薦之終不起

府志

劉體君字懷宇德化人祖籍陝西清潤體君善用兵以
戰功累遷副將駐札甯都吳三桂倡亂閩賊據固鄣及
平婪口體君奉檄會剿深入賊巢賊奉牲酒來迎體君
知其詐僞爲善言遣之而空壘伏兵以待賊果夜半至
伏起斬獲無算僞將賈振魯擁眾數萬自黃竹嶺入寇
陷石城遣使賚書招體君降體君不發書卽械賊使致
大府及圍急人無固志體君拔劍誓曰甯都吾睢陽也
丈夫斷頭耳甯能作降將軍平援至城卒完移鎮九江
卒子孫在德化者稱僊居劉氏

府志

蔡佐字元匹德化人少倜儻負奇氣嘗斬蛟山澤中初
隸董衛國軍積功至督標後營守備勦定撫建劇賊從
討吳三桂復江西湖南貴州諸府縣大小百戰勇冠諸
將進都督僉事加右都督佐故書生讀書通大義投筆
從戎義不嗜殺收散亡婦女皆訪所親還之歡聲雷動
軍務既迄擢瓜州營遊擊移鎮陝西白土關歲歉賑饑
民數萬咸尸祝之終河南汝甯副將子廷輔廷弼自有
傳廷相守備府志

王大鵬湖口人母病衣不解帶旣遭喪哀毀成疾有弟
二人父慮家貧不能終讀書大鵬曰無憂也有鵬在力
任其費典質以繼之季弟得卒業爲諸生侍父疾一如
侍母父且死援筆草遺命示之曰賢哉鵬男孝心篤至

承歡祇事終始靡貳疾苦病垢夙夜弗替爾之子孫亦復如是惟賢有後默佑無旣鄉黨咸稱大鵬曰王孝子

府志

王時聘字明珍舊籍星子明中葉遷德化時聘爲諸生慷慨好義乙酉舊志誤
甲申左良玉擁眾東下屠九江時聘請於遊擊調兵衛鄉里明年大兵迫李自成駐其地居民懼而走時聘及子允文詣軍門請令招撫生還者千計民情猶怯輒依時聘居時聘率妻子日供餼粥凡十八日始安人咸德之

府志

譚受所德化人家裕好施順治乙酉左良玉陷城民皆流竄受所施粟於譚家坡就食者日以百計黃岡王崇擢父子避難出九江虜於兵四散逃匿受所哀之爲集

其家屬凡七十餘人其有被掠在安慶者復贊金贖之完聚如初崇擢子澤宏孫材後俱爲顯官受所卒澤宏

誌其墓

府志
縣志

潘道登字澹生瑞昌人諸生性明敏讀書過目不忘德化黃雲師文德翼皆稱之中年棄舉業卜居瀼溪之濱不出戶庭者近四十年嘗曰吾徑開三益獨羊求二仲耳弟曙登康熙鄉舉幼沈靜八歲能文爲諸生時以文字受知縣令連起鳳曙登不一謁謝起鳳嘆曰是吾邑澹臺子羽也季弟璘登雩都訓導有文學與諸兄齊名

府志

萬珍字君玉彭澤人兄弟三人析產以居會兩弟中落珍出己產重三分之順治初左良玉兵變掠少婦置軍

中時珍以無子贖爲妾婦泣告有夫珍惻然訪其夫歸之並贈以資後別置妾遂有子

府志

何兆蕃字子宣彭澤人諸生淹貫經史尤精於易家故裕輕財好施至破產不顧初里中雜賦無定額吏緣爲奸兆蕃奮身訴司院爲之上請遂得免至今頌之

府志

張孺子湖口人同父刈蘆於洲有虎突出掠其父孺子追及以杖連擊虎首碎然有聲虎棄其父而走治之得

愈知縣喬鉢爲之傳

安志哲

謝志舊案孺子同邑吳一達周澤宗汪應祥德化熊

文錦皆見安志孝義附錄姓名於此

丁應乾字龍躍德安人諸生性至孝三歲而孤見母悲痛輒哭不食比長讀書母督課嚴至夜分不敢懈膏油不繼輒然松葉代之母病躬調湯藥中衰廁浴悉自辭

濯及歿哀毀骨立廬墓三載虎過其旁俯首作拜禮狀
然後去人以爲孝感卒祀忠孝祠

府志

陳應諧字克俞瑞昌人諸生明社旣屋郡縣征糧稅尙治舊例民不堪命巡撫董衛國令士民陳利弊應諧上病民十二事有司覆核多所詰難應諧復列古今制度侃侃言之衛國從其議士民感悅值歲飢出粟以賑全活甚眾

府志

凌應治字允康彭澤人康熙鄉舉遂於易游其門者多名下士彭澤賦役舊有當年遞年之目多寡不均應治陳言改之賦役遂平選山東金鄉知縣未行卒

府志

蔡廷輔字左侯佐長子與弟廷弼同舉康熙武鄉試從征三藩募壯士自隨每戰常出奇制勝賊眾膽落敘功

授都司借補江南泗州衛守備調陝西肅州營撫恤士卒綏靖邊疆恩威並著累遷階文協副將廷輔能詩文

工書法有儒將風

府志

蔡廷弼字右伯佐次子康熙武舉吳三桂叛隨官軍進勦平鄱湖寇轉戰江楚加都司僉事左遷蘇州衛運官

上南巡廷弼迎

駕

上以手御弓使之引滿

顧侍臣曰真將才也

賜克食紙筆擢浙江甯海都司遷嘉興遊擊大藍山叛案起獄多株連廷弼戢渠魁寬脅從浙人感之饋以金峻拒不納嘉興海鹽諸縣民皆戶祀焉進山西偏關叅將秩滿

遷廣西河池副將會策妄那布坦窺內地廷勦率師駐柳溝當甘肅邊外時倚爲重逾年移疾歸卒年六十八

府志

項繼儒字翼先彭澤人諸生康熙初兵革甫定官中雜派里正糧無牒券大爲民累繼儒陳言當事始定規畫鄉里賴之歲饑爲粥施餓者甲寅土賊起繼儒結鄉兵殺賊賊不敢入

府志

余鍾英字子山瑞昌人康熙鄉舉性簡樸寡言笑食貧力學於屋後結草廬居之每構思不就輒篝燈危坐達旦手鈔春秋三傳兩漢唐宋諸史皆成帙官廬陵教諭

府志

劉堂字衢又彭澤人康熙進士官鹽亭知縣有惠政憂

歸送者皆泣下起補汝陽循聲益著行取吏部主事累遷給事中兼理錢局期年七上疏嚴保舉移榷關減浮糧言多剴切

上嘉納之最後論科臣臺臣體統不協語慤直

命往西塞忒斯軍中三年

召還遂歸子鎮寶將之官以堂年八十欲乞養堂不許助以事君致身之義後鎮寶殉烏蒙堂聞之嘆曰子能捐軀吾死瞑矣年八十四卒鎮寶自有傳府志

歐陽枚字卜一彭澤人康熙鄉舉官直隸懷來知縣政尚寬平有慈母之譽境有古惠民渠旗民侵填之訟莫敢決枚力主開渠溉田數千頃爲民永利卒於官懷來民建祠祀之府志

金瑛字萬友德化人與兄玕皆有文譽稱雙璧康熙進

士官陝西山陽知縣尋調白河白河窮僻家人屢以斷

炊告瑛不顧亟爲民講求生聚逾年遷署漢陰興廢修

舉與民更始報政爲陝中最行取刑部主事纂修律例

出爲福建同知生平敦尙氣節嘗書趙光抃富貴一時

名節千古二語鐫之金臺館舍曰吾儒關鍵在是也

夏心馥字彥三德安人康熙鄉舉官山東沂州同知舊

事鄉設約長充其事者恣婪索心馥廉知其蠹告於上

官嚴禁絕之歲凶散賑有實惠胥吏無敢侵漁者以勞

卒沂之民號泣奔赴如失父母

府志

陳範字用九德化人父叔歲貢性篤孝遇兵亂與兄冒
白刃負母出逃復從閭道歸省父柩薄暮因墳河干有

老父操小舟引之登舟老父忽不見遂乘空舟免範康

熙鄉舉幼從父學通春秋外傳長益融貫著左國新語

工古文父嘗患目盲範舐之而愈晚年官安義教諭子

絢諸生讀書砥行有家法孫奉茲自有傳府志

劉鎮寶字楚善堂子康熙鄉舉雲南烏蒙通判服官敬

慎以忠貞自矢雍正八年逆蠻陷城鎮寶死之贈按察

司僉事

賜祭葬謝志

文師大字秉赤瑞昌人篤孝友嘗刲股療父病康熙鄉

舉由明通榜官廣東嘉應州學正補龍川知縣龍川舊

立四屯故事屯戶輸米縣倉遠者至二三百里不勝其

苦師大憫焉請於上官乘舟往收之民困遂蘇縣中水

失道勢將衝城師大築隄障之日夜舍其側髮爲之白
隄遂成水患以絕子治光官山東知縣

府志

熊翼字乘角瑞昌人諸生幼孤事繼母盡孝致知力行
粹然儒者縣令江皋修復瀼河值春水新漲隄不沒者
僅半版翼爲區畫引流入故道水不爲患疾亟猶講易
復卦端坐而卒

府志

周偉字辰臣湖口人拔貢生由教習官福建邵武知縣
縣有僧寺田其賦視民田加重僧鬻田於民賦如故日
久無敢售者乃僞爲民田售之俾輸民田賦而鬻主自
納其溢額輒轉易數主苦累無已偉察其故勾稽而清
核之悉除其弊民大悅歲饑告諸上官請開倉平糶活
數萬人以卓異擢知州尋調福清卒

府志

何圖書字學傳彭澤人歲貢生官鉛山訓導勤學植品
以古人自律雖燕居必正衣冠人皆敬之

府志

王命頤字子經湖口人歲貢生以禮自持坐終日不欠伸行步不踰尺寸與兄弟見必揖當以金周途中老婦貧無子者不言姓名入武山遇虎據領俟虎下而過履蹈如常疾革告其三子以明理見性之學取酒三飲誦程朱詩各一章遂卒

府志

文存篆字籀仙德化人貢生官新喻訓導十歲能文長益研經每欲見諸行事晏斯盛自滇南歸與存篆共論圖書易象之學歎異之將以通經薦尋卒

府志

郭光文字豹章德安人拔貢生官德興教諭性慧喜讀書尤邃於易不爲支離穿鑿之言高安朱軾過郡輒與

講論竟夜不倦既解官暮年目盲猶日使人誦書其側有所得口授而書之易詩俱有論述

府志

李得勝字良臣德化人官山西大同守備時湖南藍山營兵變戕其將領得勝隨山西提督俞益謨往勦俞將乘勢入得勝曰如此則藍山無噍類矣解羽黨誅倡亂不亦可乎俞領之得勝遂單騎入城示以利害兵果就伍縛其渠數人誅之藍山安堵敘功擢湖南遊擊康熙四十五年復征紅苗偕其子吉率師襲前壘破之使人往招安已勒兵扼險以待苗民震懼請命遂撫之而歸晉中營參將吉亦授守備巡撫趙申喬嘗劾武弁數十人謂其僚曰湖南清官惟李得勝一人而已旋移病歸藍山兵民泣送者以萬計子廷璠自有傳

府志

陳性用字貞初湖口人諸生幼孤事母以孝聞性好施與都昌土賊起官軍勦之聞性用名致之軍中所捕獲悉令驗治全活無算鄰人有旬日三遭誣者當坐死性用解之卒出其罪事平鄉里德之

府志

周俊字子雅瑞昌人弱冠父聖弼卒晨夕悲號葬後遇

令節必往哭於墓母年老臥疾扶持維謹寒暑憂勞無

少閒課諸弟相繼貢成均

府志

謹案府志載義僕周

少役於周俊之祖閭寇至俊

祖母諱罵賊死五負聖弼匿深山中賊去檢謂骨殼葬

皆五之力臨死猶拳拳不忘其主云又有德安來應亦

人僕剗股瘻主疾附錄之

毛乾字用九德化人五經樂律算法皆有發明尤精歷法宣城梅膺祚與談推步觀乾所著書曰可與言數學者其毛子乎乾不求聞達築室匡山躬耕自樂

府志

周池字裔濂湖口人諸生事母以孝聞平生厚重嚴毅人始忌之久亦服其德量好言先天之學所著書乾隆

中采入

四庫孫厚贛自有傳

府志 謹案 四庫
提要裔濂作商濂

王世章一名芝字九瑛瑞昌人諸生閉戶著書裒然成集篤嗜古籍收藏至百餘種甚自珍祕

府志

袁學謨字迪來彭澤人雍正進士鄉會試皆兼五經人

目爲袁五經官石樓知縣民貧而孱多逋賦學謨貸種趣耕敷敎勸學惠政畢舉縣大治量移汾陽汾俗險健學謨治豪強無少寬貸舉卓異遷浙江處州同知累擢知府事臨去士民愛戀請留者萬計年七十三卒性平

宗尙理學能文章學者稱梅谷先生

府志

章國錄字令思瑞昌人雍正進士官廣東知縣厯權吳州廣甯事公明廉潔比去任士民皆夾道攀留大吏聞其事聘主端溪書院既歸主講鹿洞書院國錄有文學

工詩

府志
甯縣志
廣

黃河崑字西源湖口人雍正進士官山東肥城知縣判決無滯導諸生以文行有循吏風歲旱歉收河崑憫之緩催科甘列下考布政使廉其情言於巡撫題請展限復以卓異薦之河崑父年老自詣省城乞養甫出縣境蝗蝻起歸之前夕忽散去人皆異焉尋解職歸士民遮道留者三日有父老率其子獻羊酒父子皆嘗受杖者詫之對曰民罪當杖法耳微公禁婪索則家破矣尋遣其子送至百里外

府志

燕日暄字篤臣德安人貢生幼穎異十歲屬文輒驚長老少喪父事母無違偶以事客外圖母容置行篋內時出展對如定省處宗族鄉黨聞皆有恩紀晚官樂平教諭告諸生心身切要之旨爲書數千言有過者必積誠導之務令從善士無賢愚感之卒於官臨川李紱爲志墓稱其進學之功媿於陸文安云府志

袁道林字純如德安人貢生兄弟六人道林齒最幼少孤受書於兄性至孝得食必以進母聞父遺事輒潛然涕下既長工文晚官信豐訓導本身作則學者翕然從之府志

李廷璠字煥若得勝子窮經研思殫心理學性至孝父疾客饋藥草廷璠先嘗之遇毒幾殆由太學生舉賢貢

方正官直隸知縣始寶坻莊頭焦國棟怙勢占民田契
多僞國棟以罪籍沒有司不復辨悉納之公民陳訴不
已歷八年獄未決廷璠至奉檄治其事徧歷寶坻村落
三百餘所廉得其狀力請還民凡數千畝四月而竣事
寶坻久饑是歲始大有民爲之歌曰田不敢耕歲比不
登李公還我天賜西成厯官良鄉密雲所至俱有聲最
後授甯晉滹沱水泛夜半衝北郭居民呼聲殷天廷璠
馳禱於神誓以身殉水遂迂道東下在官十餘年以捕
蝗中暑遘疾卒府志

萬寶字若賜德安人諸生幼而孤長讀父書輒泣下事
母敬養備至母年老寶遂棄舉業曰吾不忍以佔畢分
色笑時也生平端謹簡樸杜門習立不偏跛堂階有

二履痕歷久不湮子元奎貢生吉水訓導善承家學人稱其完行

府志

鄭一榦字惠人德化人歲貢生與兄一貫同選訓導俱不就怡然一室著書自娛一榦從父無子事之如父視膳三十年無倦色性慈惠親族緩急恆周恤之

府志

馮士鈞字次石德化人諸生少孤事母至孝嘗授讀郡城夜半悲號人問之曰吾夢母病明白家書至果然其舅氏張赤生佃鄭一榦田屢負租士鈞爲代償鄭故重士鈞聞其事召張還之而葬其券人兩稱焉

府志

廖介字以眉德化人歲貢生建昌訓導父病痔百藥不愈介以舌舐之痛乃已乾隆元年奉

旨建坊

府志

曾大焜德安人父安邦武舉應兵部試卒於京大焜聞信哀號析家產三分之以二分予兩弟鬻己所有赴都

府志

扶柩歸既歸而貧甚悠然自得鄧咸洙作贊表其行

鄒登榮字盛生德安人幼孤事寡母稱孝母死致哀盡禮治家嚴肅規矩秩然嘗言我見人爭以直道解之則人自服人與我爭以忍字當之則人自愧子孫眾多恆以此爲勸戒毋敢越分者性好義爲族戚償逋賦有餘輒濟里黨無所惱

府志

王安國字右石德化人父世甲敦睦宗族安國循父行尤好善里閈子弟貧無力者招家塾俾讀書多有成就歲災鄉有逋賦安國鬻其產代償之乾隆閒知府劉炳

旌之曰善人

府志

李嘉雒字金木德安人貢生少孤事母孝母病數月衣不解帶刺臂血書疏願天請減己算以益母母尋愈人以爲孝感兄嘉應季弟嘉玉並諸生嘉玉工詩文爲督學趙佑所知府志

燕侯然字仲諾德安人乾隆進士授兵部主事擢員外郎奉使直隸賑災民帑項不足捐俸助之督餉四川遇險阨不寢食者七日旋補馬政廳執法不倚馬棚長饋酒一罋侯然以其重也召吏開視皆白金責其人逐之轉御史以疾歸子璋進士臨高知縣達鄉舉南昌府教授環拔貢生府志

李聯璧字瀼西瑞昌人事繼母以孝聞乾隆鄉舉由教官薦擢直隸成安知縣成安當漳水衝築隄屢潰聯璧

謂隄勢孤立不足當眾匯之衝相度上游多爲小隄以分其勢三月告成水不爲患以母憂歸起爲四川知縣權長壽事長壽民黠傲難治聯璧手書條約四十事教導之民漸知義時金川用兵軍務絡繹精心籌度無少隕越引疾還里卒府志

曹天瑾字性豐湖口人乾隆進士官河南遂平知縣幅無華以養士愛民爲政境中叔枏山稱盜藪天瑾殲其魁盡釋餘黨請於上官立營汛守之府志

崔謨字煥遠湖口人幼工詩讀書邑東滴水崖與詩僧道化相倡和所業益進乾隆間成進士總裁鄂爾泰得其卷曰此詩人之文也榜發謨往謁卽出所著相與商榷禮之如故人謨不樂仕進乞改教職歸從弟璧貢生

及其妻許氏皆能詩

府志

吳舉鼎湖口人乾隆鄉舉生有至性居母憂絕水漿數日父命之食始哺糜父患噎藥之不效徧索乳以哺兩載不懈父歿與母同厝偕弟廬墓上雖甚寒暑絰帶不除服闋週朔望及忌日猶哭奠如初喪

府志

陳奉茲字時若德化人乾隆進士官四川知縣厯彭山閬中擢知茂州所至有善政時官軍征金川取道三雜上司卓爾碼婦人也謂且伐之閉道不通將校譁言三雜亦叛宜先討奉茲時贊軍務告將軍曰三雜未知國家意耳請往諭之比往卓爾碼散守者立具狀謝且供軍甚謹累官江蘇布政使護理巡撫卒奉茲工詩法杜子美論者謂樸厚之風庶幾近之蜀中稱東浦先生東

浦其自號以寄思者也崇祀鄉賢

府志

張光考字觀文彭澤人乾隆鄉舉官龍南教諭歷署靖安泰和南城新喻諸學擢湖南永定知縣永定舊屬大庸衛乾隆初始改縣地僻民悍稱巖邑光考日決數獄案無留牘民安之會楚苗亂官軍進剿出永定光考修

橋梁應軍儲撫卹流民無少遺誤教匪起縣東民爲所惑約期舉事都司陸祖德方赴調守兵甚單光考預布偵卒盡得其姓名遣諸紳士往安輯潛以兵役繼之誅受僞劄者九人餘遣戍有差永定安堵未幾罷歸子錦

枝自有傳

府志

曾選遇字弁庶彭澤人乾隆鄉舉大挑福建知縣歷權清源潭陽補建甯治獄廉平愛卹民命歲荒發粟賑濟

全活者千餘人充鄉試同考官得士曾暉春林朝陽皆

知名

府志

歐陽鶴鳴原名銳字書山彭澤人乾隆鄉舉博覽羣籍能文章好出遊至桐城寓張氏五畝園中與張氏伯仲相唱和在澤州主講體仁書院泊還江右厯爲萍鄉建

甯院長士服其教

府志

周厚轍字馭遠湖口人乾隆進士改庶吉士散館授編修充會試同考官直

上書房擢湖廣道御史改京畿道尋轉給事中巡天津漕攝長蘆鹽政屏絕苞苴積弊一清

上知厚轍善治獄一歲下五事使獄成皆報可乞假還都

道病卒

府志

彭錫璜字玉獻湖口人乾隆進士官四川三台知縣憂歸起補廣東文昌省刑罰興學校擢崖州知州黎僮馴服改碣石同知獲賊渠李崇玉獄多株連錫璜請於監司治其黨三人釋無辜者數百人遷知羅定直隸州致仕在官三十年比將歸不能治裝同寮聞而助之

府志

陶觀梅字怡然彭澤人乾隆鄉舉敦尚實行有志於聖賢之學晚歲官崇義教諭學者稱惜陰先生

府志

曹加鍾字儀亭瑞昌人乾隆鄉舉淹通經史著書自娛有司聘主東臯濂溪書院游其門者多致通顯

府志

歐陽大勳字紀常彭澤人乾隆鄉舉官山東知縣權海豐事海豐多狼患兼苦蝗蝻大勳至痛自刻責禱於神願以身易民命無何二害並去尋授卽墨慎刑獄崇學

校惠養孤貧民感之及卒立祠祀焉

府志

潘錦江字鳳臺湖口人乾隆鄉舉性篤孝三上禮部不

中第思親懷歸賦乳燕詩自喻家有別業藏書盈萬卷

好引進後學學者稱贊浦先生

府志

萬相賓字定之德化人乾隆鄉舉大挑浙江知縣權常山決獄有聲號萬青天補官嘉善以慈惠稱薦卓異調知山陰卒祀名宦

府志

歐陽汝顯字起巖彭澤人貢生官廣豐教諭性孝友嗜學攻苦嘗誨子弟曰凡人讀書非博富貴利達也求明理而已明理則知義命庶無非分妄求之事爾曾勉之選廣豐時年七十餘矣以地近鷺湖忻然就焉

府志

廖泰珍字興錫德化人拔貢生官長甯教諭長甯風俗

尚武泰珍進以文學人才振興旋引疾歸性磊落與弟
雪鶯並工詩時有雙廖之目

府志

周仁經字文學湖口人祖澤宗父昌松皆割股療母疾
仁經生農家年十三父歿力田供母母病藥必親嘗衣
不解帶日告天願以身代病亟剗股以進終不愈泣血
幾死及葬結草墓側旣服闋猶居墓上者十月

府志

胡懷偉德化人監生母患胃疾湯藥不得進遇道者告
以蘆根煮雞可治時夏水方漲覓蘆不得朝夕泣禱尋
獲於江岸泥中治之立愈

府志

李豹字又揚瑞昌人諸生五歲而孤事母盡孝鄰人築
室侵豹地豹往詰鄰人披其頰母急救之豹曰比蹶
仆地耳恐傷母心不復言侵佔事性好義里人因事連

坐將鬻子贖罪豹周之得免事定又欲售子婦償豹金豹曰售子婦與鬻子何異周汝急豈望償哉其行事類如此弟煥龍歲貢生嘗嘆范文正爲秀才便以天下爲已任今人何獨不然會大吏令諸生陳言郡邑利弊煥龍上錢賦四事時論趨之

府志

邢國暨德化人諸生祖維楨康熙鄉舉性孝友行事慷慨有古風國暨幼失怙恃能自得師當取陸子喻義講義以自勸自號力齋

府志

汪銓字熙載彭澤人官漢中府經歷權襄城令兼掘汎縣多善政嘗念襄縣土城無以備緩急乃自出貲築之又鑿井得甘泉以爲民利城成適教匪窺襄銓督於眾曰城亡與亡宰之責也當求所以保我民者民聞皆相

與感泣銓因下令募壯丁增軍械登陴固守賊見有備而退大吏知其能檄調從戎累窮賊所往以軍功擢留壩同知解餉遇賊力戰受十六創與都統和騰額李殿魁俱罵賊死僕人李忠楊喜從焉事

聞贈知府賞卹如例祀名宦忠義鄉賢祠

府志謹案府志載宋衛若宋六習彭澤

人皆鄉兵以禦土寇陣亡附志姓名於此

張錦枝字斯製彭澤人母在姪夢庭樹張錦因以名子嘉慶進士改庶吉士散館授編修一時大著作多出其手歷贊善中允洗馬侍講侍讀一歲五遷累數也充

起居注官入直

內廷忠謹益著三典鄉試一充會試房考皆得人擢國子監祭酒以憂歸繼母年老乞養不復出次子書麟優貢

生湖北漢川知縣晉知州以循吏著聞

府志

余需元字鷺門德化人嘉慶進士授刑部主事軍機章京擢郎中充會試同考官出知鎮江府調江甯擢淮徐道在刑部總辦秋審嘗歸寓而嘆妻崔詢之需元曰株連者眾難以盡釋顧拘之或以遠涉致死斯可憫耳凡治獄與長官意不合必詳辨之同官譏其固曰民命至重曲徇長官吾不能也及任外官獄涇縣徐飛隴獄歷數十晝夜情罪始確偶遇災捐俸倡賑治黃運二河化險爲夷卒祀鄉賢祠府

李鴻賓字鹿萃德化人嘉慶進士改庶吉士散館授檢討厯充雲南貴州湖南鄉試考官擢山東道御史轉掌廣西道遷吏科給事中轉工科巡視山東漕務開張秋

鎮古井水泉騰涌運道遂通

上嘉之命以三品頂帶授副總河尋擢東河總督遭母喪歸起署禮部右侍郎改兵部左侍郎出爲廣東巡撫調漕運總督復調東河時河溢蘭陽儀封偕尙書吳璥馳往察視鴻賓以不勝重任辭

詔切責降郎中銜留工所越數年署運河道旋署山東巡撫實授安徽道光初復授漕督進兩湖總督六年調兩廣明年疏增快蟹船清海道十年疏建礮臺禁內地銀出洋分大鵬爲左右二營改前山營爲內河水師皆議行授協辦大學士仍留任十一年平崖州黎禁罷粟八月入

覲

賈戴花翎次年湖南猺趙金龍叛廣東連州猺應之鴻賓籌勦

失利遂罷職遣戍烏魯木齊十四年釋歸授編修尋卒子儒郊進士甘州知府儒鄭舉人員外郎儒郁舉人孫道恆拔貢生本傳
府志

黃綏誥字曰三德化人嘉慶進士厯官湖北安陸天門江陵江夏知縣所至有聲用薦擢知州改荊州府同知進福建興化知府護興泉永兵備道台灣不靖奉檄率諸軍渡海風濤方急綏誥曰某受國恩重敢惜此身邪整軍而進禽渠魁散餘黨撫卹良民

不數旬事定加道銜

賈戴花翎調福州知府爲政嚴而有體好親禮儒士未幾卒府志

李昭美字東竹德化人嘉慶進士改庶吉士授編修充順天鄉試同考官遷河南道御史出爲松江知府總督

陶澍檄令治本省宜黃獄出無辜百餘人榷江甯鹽巡道旋赴松江本任調蘇州擢福建汀漳龍兵備道閩俗好私鬪昭美至恩威並施舊俗稍革權按察使丁父憂歸起湖北糧道調湖南致仕歸卜居南昌咸豐三年粵寇圍城同大吏防守並助軍餉敘功加本縣文武學額一人卒年七十四府志

彭嘉性湖口人錫璜子年十四父歿藉草臥柩旁慟哭昏倦苦次火焚衣褲盡然嘉性恐火散溢將及父柩堅臥不動呼家人救止之比熄徧體焦灼月餘始瘥母病值嚴寒嘉性衣敝縕畫夜侍藥目腫手皆裂旁觀惻然嘉性不自覺也

府志

陳再虞字二如德化人母病篤夜聞人語人薦湯可活

忽不見再虞私念家貧不能購薦乃割股爲湯進之母
遂愈卒祀孝悌祠

府志

文柱字東川瑞昌人宋丞相天祥裔拔貢生授小京官累官兵部員外郎值西域軍興籌議部務悉中機宜敘功授浙江衢州知府有投匿名書謗總兵者營卒妄指同隊七人大府檄柱治其獄七人皆冤破械出之郡多火灾添置水龍立十二法以垂久遠調杭州知府署溫處道樂清鄭肅恭有傭故病死爲怨家所指誣爲毆柱得其實立雪之擢山西河東兵備道兼轄山陝豫三省鹽法釐革宿弊鹹政肅清進直隸按察使定緝捕四法頒於郡縣調雲南入

上知其才改江蘇未至進江蘇布政使三護巡撫印造戰船講

火器海防賴之貽書吉安守李鎔經使牒江西巡撫爲

天祥請從祀疏上議行乃葺其祠宇並於吳中修言子

祠及東林書院積勞卒

府志

汪鳴相字佩珩彭澤人道光十三年一甲一名進士授

修撰充順天鄉試同考官出典廣西鄉試竣事丁外艱

歸起補原官

召對勤政殿稱

旨復以內艱回籍遂卒鳴相工文著作甚富子士式拔貢生

府志

李道生字務滋德安人道光進士改庶吉士授編修累

擢給事中多所建白歷進禮部侍郎京察休致陝撫聘

掌關中宏道書院課諸生以格物窮理敦本立行士恨

得師晚自陝西歸主經訓書院其課士與在陝同子鴻

遠編修

府志

汪在衍字廷嘉彭澤人諸生性孝友嘗以忠信篤敬自銘座右其言曰儒者處世必無忽無欺然後可以造中行之詣

縣志

萬國甯字政和瑞昌人有志理學以立誠爲宗其誨人曰威儀所以定命應對進退是形而上者今人侈靡佚蕩以誇放達其弊必至毀身辱親而止學者當以是爲大戒國甯一生端肅自守燕處必衣冠言笑不苟惡衣糲食以終其身

府志

洪立謨字貞運彭澤人諸生孝友篤行教人以古爲範嘗使生徒錄史傳嘉言懿行陳於座右其不善者亦錄

而黜之使自考鏡爲治心之學其讀書處自署曰奮心

室府志

劉世楷字廷謨彭澤人諸生務爲沈潛之學嘗謂讀書不通經史如無楫而濟江河居心不曉大義猶無炬而入幽室孝慈友弟忠信篤敬乃食之醇醴不可一日無也識者以爲名言

府志

沈壽兒彭澤人甫八歲刲臂療母創甚不能起母問之詭對曰臂患癰耳欲視之則堅覆被少選再問則曰痊矣忽痛侍母如常時後解衣見刀瘢母驚問猶以病癰

對府志

丁蓮字茂龍彭澤人諸生學以行己爲本讀詩至相在爾室瞿然自省凡門堂戶牖皆書此四字幼以孝聞比

長居母喪露處墓側晝夜號泣逾月而卒鄉人哀之府志
歐陽賞字紹師彭澤人諸生勇於爲學持己篤實嘗曰
處世察察不如其渾渾與人惶惶不如其懇懇性至孝
母治家嚴孫曾有過必呼賞撻之責其無教賞年七十
猶跪受杖杖重則喜輕則憂或不杖下氣怡聲俟母怒
釋然後起府志

王尊五德化人家貧與弟有周皆以孝稱母宋患癱失
明坐臥飲食兄弟躬親之營未嘗奉甘旨稍暇輒嬉戲
以娛母夜繫鈴母手聞聲卽起至老不懈府志

鄧仕道字貞士瑞昌人諸生父母皆過八十牙齒盡脫
每進甘旨皆口哺之旣歿廬墓晨夕哀號以病歸猶日

何一瑞字淑仁瑞昌人諸生遭父喪結茅墓側居焉夜大風雪近墓者請過其家一瑞泣曰汝欲安吾身何以安吾父邪獨居三年如一日母死亦然族人感其孝欲聞之官一瑞變色止之

府志

余瓊明字貞吉瑞昌人父病腹累藥不效醫語以嘗鑿法瓊明嘗之進藥遂愈母中年喪明瓊明滌溺器侍梳洗朝夕不怠及卒一慟幾絕

府志

但彰字顯若瑞昌人八歲入家塾聞師講論語問孝諸章歸卽書無違保身敬養色難八字於壁父歿廬墓三載母嘗頹仆幾不起彰夜焚香稽首北辰祈以身代母卒無恙後又患風疾日臥牀彰听夕侍奉衣不解帶者數年母歿廬墓如初

府志

文制書瑞昌人身無惰行爲父舐痔半月而愈父性嚴
逢怒必起敬起孝從容進說釋而後已父卒喪葬盡哀
言父往事輒啜泣如嬰兒至老不改府志

萬相榮瑞昌人農家子力作事母母瞽櫛沐飲食皆出
相榮手母病思魚囊無錢求於河不得得尺鯉於田中
又思鼈復於草中得之母食之病愈府志

陳維煥字亶生瑞昌人諸生力學窮經文行交飭父疾
親滌廁渝齋戒密禱願減己年以益父壽及卒喪祭遵
古禮不營佛事生平自重恆于謁教授生徒善爲誘掖
諸子素志素修素履使各治一經以繼其學府志

何邦準字聖音彭澤人幼孤母教之學卽知自勉成諸
生母患頸瘡鍼藥不能治邦準吮之五日而愈勇於爲

義邑有里役之累邦準陳大府力請革除至今使之志
畢增輝字襄庭彭澤人諸生性篤孝教授於鄉營甘旨

以養親親歿哀若孺子鄰家火延及母柩增輝欲出之
力竭抱柩而死

府志謹案自汪在衍至畢增輝十六人時代無故臚其行事類列之

周蟠字文珍湖口人少棄學漁於河老儒陳某見而異

之授之讀補縣學生咸豐五年侍郎曾國藩駐軍江西
蟠挾策往見大奇之六年九月撫州失利潰軍入省城

勢洶洶國藩令蟠往諭一日散遣無留者國藩以爲能
授之軍使隨同知李元度守貴溪七年三月賊攻耳口
寨眾號十六萬蟠以三百人扼諸河竟卻賊九月賊圍
貴溪城中食盡守兵以米惡相怨蟠且食且諭眾感之
誓同生死因將五百人出城擊賊圍遂解敘功得知縣

八年西安將軍福興檄蟠守鉛山蔣家灣時南岸百餘里皆賊福興畫地爲界命之曰一賊渡河法無赦蟠應聲往賊卒無敢渡者福興之援浙也累戰皆捷蟠功爲多十年正月復會攻安徽太湖克之同治元年八月賊由徽州甯國進窺江西巡撫沈葆楨檄蟠回救貴溪明年移駐廣豐四月彭澤湖口都昌鄱陽皆告警檄蟠救樂平至則令副將單綏福代守而自率所部千五百人由大陽埠渡河晝伏夜行縱橫城中賊莫測所從來一日賊偵知蟠所在將襲之蟠忽引去賊至無所得驚以爲神賊久聚鄱陽陶家渡堅壁不出蟠令敢死士抱薪焚賊壘賊遁迫至洋塘乃還時饒境賊號六十萬將渡章田蟠引軍先趨章田謂諸將曰此戰勝驅賊出境不

勝賊入撫建非但吾徒無噍類也且穀熟矣遲一二日爲賊有逃亡者歸亦餓死僉曰敢不盡力六月賊至蟠徑渡北岸段家洲迎擊呼諸將曰賊眾我寡後阻水退無生理諸將奮勇爭進遊擊李棉兆都司張時雨守備何潤桂李全勝及弁勇五十餘人皆陷陣死蟠督戰益急殺賊千餘賊渠黃文金最剽悍亦中礮死遂宵遁蟠積功官至道員加布政使銜

賞花翎勇號以勞疾卒於軍年四十七巡撫沈葆楨奏蟠前後

戰績有

旨贈內閣學士銜蔭一子入監於章田渡建祠以祀

府志
江西忠義錄
江

江西通志卷一百六十六

江西通志卷一百六十七

列傳三十四 南安府

唐後梁南唐附

綦毋潛字孝通南康人開元進士由宜春尉入爲集賢

待制遷右拾遺終於著作郎河嶽英靈集稱其詩屹崒

峭蒨舉體清秀蕭蕭跨俗云

白志

原案張尚瑗曰詩紀綦毋潛字季通荆南人

曰南康人者據文獻通考經籍志也志引陳氏云南康

今贛州謹案南康之名起晉太康五年剖末改曰贛

縣隋大業中復曰南康有唐一代皆屬虔州宋屬南安

至今仍

之然則雖自陳氏贛州一注固南安地也又案

欽定全唐詩全唐文皆作荆南人荆南非即南

康文錄通考所言殆孤證也以舊志久著今亦存之而

改隸南

安府

謝肇字景初上猶人嫻武藝與父率兵征蠻功第一除
朗州刺史會寇起汀建命舉兵掩之一出而平遷百勝

軍防禦使粵閩卒叛復提兵勦平下詔褒美授金紫光

祿大夫檢校戶部尚書

林志

謝志舊案寰宇記唐南

康縣地僞吳天祐中析置上猶

場南唐始改場爲縣謝肇在唐時未可遽稱上猶人也始仍舊志又明一統志重見贛州人物

盧光稠譚全播皆南康人光稠狀貌雄偉無他材能全
播勇敢有略然全播常奇光稠爲人唐末羣盜起南方

全播謂光稠曰天下洶洶此眞吾等之時無徒守此貧

賤爲也乃相與聚兵眾推全播爲主全播曰諸君若欲

成功當得良帥盧公堂堂眞君等主也眾諾之乃立光

稠爲帥時王潮攻陷嶺南全播攻潮取其虔韶二州光

稠又遣弟光睦攻潮州光睦好勇而輕進全播度其必

敗乃爲奇兵伏歸路光睦果敗走湖人追之全播以伏
兵邀擊遂取潮州是時劉巖起南海擊走光睦以兵數

萬來攻虔州光稠懼全播曰吾知劉巖易與爾乃選壯士伏山谷中佯治戰地於城南告巖戰期以老弱五千出戰戰酣僞北巖急追之伏發巖遂大敗第功全播悉推諸將梁初江南嶺表爲吳與南漢分據光稠獨以虔韶二州請命於京師願輸貢賦太祖爲置百勝軍以光稠爲防禦使又建鎮南軍以爲留後光稠病以符印屬全播全播不受光稠卒立其子延昌而事之延昌好遊獵其將黎求閉門拒延昌見殺求乃自立請命於梁拜爲防禦使求暴病死州人相率詣全播第叩門請之全播乃遣使請命於梁拜防禦使治虔七年有善政楊演遣劉信攻破虔州以全播歸廣陵卒年八十五

史
林志止載

謝志舊案盧光稠人物志分載贛州南安

代補

黃玉一作黃廷玉上猶人天祐中補使院尋署上猶場民德其保障累功二十四考有司上其事於南唐授銀青光祿大夫壽九十七而終

豫章書

宋

謝茂希肇之裔建隆初以武藝顯官至銀青光祿大夫檢校右散騎常侍兼御史大夫

明一統志

劉元亨字子嘉南康人開寶中入白鹿洞修進士業江南國學廢例選赴闕以學行老成爲後輩推重復還鄉道過廬陵郡守聞其名薦應舉登咸平二年第

林志

田闢南康人天資篤實嗜學不倦游上庠二十年無所成浩然歸隱號大隱居士九子各授一經登第及特恩者七人時稱義方者歸田氏

明一統志

謝允昌字孝孫肇之裔熙甯閒以太學生上書召對賜進士出身以言忤執政倅曲江有惠利及民司馬光薦爲大理丞不赴遂致仕

林志

利申字仲通大庾人元豐閒士務爲新學申遂不應試游江都有廣陵集廬陵郭勁序之謂其放得於太白其易得於樂天其蹇得於聲叟其嚴得於昌黎云

林志

何大正字自中大庾人博通諸經尤邃於易元祐閒升

國學諸儒推許官南雄州司理有愛惠致仕卒

明一
人物志

盧汝舟字仲濟大庾人政和閒以陸藻薦隸御史府廉約守正不事刻深紹興中地震止疏推本劉向京房之學無慮數千言官至武翼大夫

統志

田如鼇閩弟宣和進士丞相呂頤浩一見器重之高宗

召問江右盜賊對曰小寇不足慮所憂者西北耳累官監察御史出知道州民樂其豈弟後加直祕閣京西轉

運副使昆弟如鵠如鵬如鴻俱登進士第

明一統志白志舊案如

藝人物志以爲閭之
第三子與一統志異

蔡居中字正夫

一作正中

南康人好學不倦宣和間入太學

政和中主文侍郎霍端友以其文擬冠多士同列有持他卷曰波瀾老成當爲第一卽張綱也居中次之仕終

宗正丞

林志

鍾鼎字文昭上猶人聞范仲淹義田事慕之偕姪日新置義莊建書院延師以訓鄉族子弟三傑登紹興進士爲化州司法參軍歸值建城盡其家之磚石輸官有司以聞賜敕有哲夫成城保衛鄉里之褒

明一統志

李謗字正臣南康人建炎進士性機警厯州縣所至有惠政嘗判吉州永豐盜起謗設法平之鄰境羣盜聞風皆畏懼數百里蹤迹屏息累官至朝奉大夫

人物志

鄧富字孝積大庾人有智略屢平寇盜人呼之曰鄧江南紹興間以功累遷八州巡檢知昌化軍加授廣西路

都鈐轄武略大夫

林志

盧世亮字亮工上猶人光稠五世孫母歿廬墓有巨蛇來世亮恐其母驚異痛哭有頃雷震蛇死近墓一里出甘泉二虎往來墓側若馴伏狀縣令陳廷傑書其事於

石

安志謹案明一統志載贛州盧世豪亦光稠五世孫廬墓出泉蛇虎之事並同惟縣令陳廷傑作陳廷

耳似係一人
今姑兩存之

鍾作霖字民望上猶人紹興進士仕至通直郎爲人以

禮法自持隆興癸未幼子祐繼之皆有辭藻

林志

莫士先字元亨大庾人專攻於學乾道辛卯舉鄉試調

邕州戶曹其子如德湻祐甲辰進士

人物志

曾守約字惟魯大庾人慶元鄉薦舉濂洛閑統於郡師事黃幹以居敬爲本窮理爲要充本軍學正文行著稱

人物志

李賓字獻可大庾人師事張子韶行履端潔邃於經學

以特唱名任潯州推官會當國惡子韶賓遂致仕

府志

何源字清卿大庾人通諸經分授其子長衢亨以春秋登寶祐進士次光龍以禮記登咸淳進士門人莫如德亦以易登進士父子師友淵源如此

林志

嚴寅字敬仲大庾人事親盡孝紹定進士厯太常博士

祕書省正字離州觀察推官決疑獄生全甚眾

安志

張南金字文雋大庾人湧祐進士以善謀畫屢辟湖南

廣東戎幕攝縣政治有聲奏爲祕書郎知東莞縣

人物志

謝泌上猶人湧祐閒以薦授肇慶司理決獄明慎民謂

不免會茶寇起荆湘剽江西及嶺南泌獻策於制帥分

兵犄角平之擢湖南提刑州鈐轄命下卒

人物志

盧宗邁字紹先汝舟姪少隸御史府樞密使汪澈臨邊

視師檄以自隨宗邁熟知險阻澈深嘉之歷館職文雅

練達兩朝日厯成一歲五遷官至武翼大夫晚年藏書

萬卷

白志

鍾特立上猶人鼎之孫身長九尺五寸勇義過人寶祐

戊午羣盜犯邑特立率數從者禦寇盜驚其狀貌之異

敗走俘馘甚眾以功授星子尉

白志

曾和應字賢叔上猶人隱居梅嶺之陰清苦好吟八十
不倦黃秋巖謂其得性情之正趙青山諸老多有品題

白志

張季和上猶人咸淳閒割股療父疾郡守趙孟頫美以
詩時稱孝子又南康陽大明字和甫親喪廬墓感靈異

安志

李梓發字材甫上猶人德祐元年以世族舉爲南安三
縣巡檢元兵圍上猶梓發隨邑令李申巽及邑中諸義
士堅守不懈元兵死傷甚眾旋解去文天祥表梓發爲
團練使督府諮詢收之幕下申巽請梓發往來南嶺圖
戰守計祥興己卯元兵復至梓發與邑令城守益堅時

天祥兵敗績行朝亡於崖山邑子黃桂紱爲元卒所獲
令齋榜入城招降且傳崖山之難梓發大怒戮桂紱無
何城陷梓發與子姓四十七人皆自焚同時有唐仁黃
賢張伯子劉淵子張南仲陽清叟及邑令李申巽俱遇
害
人物

何時上猶人隱居博學元兵攻上猶時率僕從義勇與
戰力不支被執強之降厲聲曰恨吾力不能殺汝肯降
乎元將怒去其舌遂遇害舉家死之

府志

元

何衢亨大庾人與弟光龍皆登宋進士至元十七年總
管張榮聘權韶州教授誨迪頗勤引課業中選者編爲
儒戶免其徭役州人士皆欣戴之

安志

黃文傑字顯明上猶人大德間安遠教授尋辭歸所著有大學中庸雙說文獻彙郡學志提舉滕玉霄序其文

林志

李昌元字有貞大庾人延祐七年被薦授韶州教授誨士得宜以學廩餘貲委學正陳仁傑李元孫道生往廬陵造祭器樂器又延樂師參校音律教韶弟子習祀事時稱禮樂在庭

人物志

明

黎翰翔字應文大庾人洪武四年舉賢良授廣信永豐知縣歷信陽知州升參議未上卒從弟鳳翔字應瑞亦舉賢良知獻縣

人物志

吳谷賢字賓之大庾人洪武四年舉賢良召對稱旨授

廣西僉事弟谷善字美之亦舉賢良仕終廣西柳州府

知府

人物志

賴子英上猶人洪武十六年貢生仕至湖廣參政以廉

慎勤敏稱

安志

李琦南康人洪武十八年貢生歷刑部員外郎升淮安

知府左遷營繕主事升郎中質直廉正歷官四十餘年

夷險一節

林志

周鼎字子重大庾人洪武中貢入國子差督重慶租賦

又督修溧陽圩岸陂塘皆著績授兵科給事中歷升廣

東按察使未上卒

人物志白志舊案林志周鼎歷官湖廣按察司復左遷廣東市舶提舉終化州同知

與此不同

蔡原啟上猶人洪武中由歲貢拜監察御史剛正有風

裁物考

江都縣志 卷之十一 南安府

何雋大庾人洪武中以貢任貴州道御史先是雋任貴州都司斷事有政聲薦改是職風紀振肅

分省人
物考

劉芳字彌章大庾人洪武初辟舉任本府儒學教授誨士有方能詩文有集傳於世子公振亦辟舉

人物志

朱穀字玉雙大庾人洪武貢生授於潛令考滿寓京師元宵賞燈賦詩應制授翰林院五經博士以奏對明切升行人司副應求賢對策超升河南參議進湖廣參政河南右布政復改山東總率諸郡邑役夫數十萬采木楚蜀處置得宜民不勞而事集以老疾乞致仕有詩集

藏於家

林志

譚翼字南宿大庾人洪武進士授龍溪丞未之官尋

再見求直言翼疏論時政謫戍南甯久之稍內徙建文初升龍溪知縣尋擢兵部郎中與同年黃子澄練子甯

與金川門之難同詣郎署赴火死妻鄒氏子仕謹俱自

縕人物志

蔡運南康人洪武歲貢建文中歷官四川山東參政清

勁不諧於俗罷去知賓州有惠政靖難師起不屈死之

國朝賜謚節愍

人物志
節錄云運罷歸復起遇論奸黨坐死

勝朝殉節諸臣錄
謹案殉

熊受孫字性初一名紀善洪武中舉賢良剛介不撓任

監察御史以言事謫戍都勦建文元年起知招遠縣靖

難後受孫竊嘆胥吏覺之告訐逮死閩族五十餘人皆

徙邊人物志
謝志舊案以上三人皆建文忠臣
林志或不載或諱其死節事白志補

賴禮字周文南康人永樂初進士歷興甯沅江知縣所

至廉介不阿卒於任

分省人
物考

王時習字勉學南康人永樂鄉舉入太學修大典壬辰登進士擢御史巡按河南振肅風紀撫恤廣東發倉賑饑民還朝再命往督陝西諸營卒於官

林志

劉永字克修大庾人永樂進士授刑部主事厯郎中以大學士楊榮薦升荊州知府一郡稱治親藩所行多无法永疏聞於朝械繫詔獄幾遇害會朝審得釋復原官尋遭父喪軍民萬八千餘人徒步京師懇留之英宗命奪情視事前後歷十四年卒於任民立祠肖像祀之

明史

趙豫傳 分省人物考

蔣誠字性存大庾人永樂進士授會同知縣改巴縣廉慎公勤巴民歌之擢御史于謙薦有才望者升行軍副

使初任河南復調廣西後爲石亨等所嫉致仕

人志物

蔡彬南康人永樂進士任大竹令寬厚得民任滿當代

百姓詣闕乞留再任後以疾歸

林志

蔣銘字公紀大庾人宣德進士授南京工部主事升吏部郎中謙慎廉介時復行薦舉之例銘得雲南澂江府歷八年清介著聞微疾乞致仕

人物志

滕宗道大庾人宣德間辟舉仕興甯知縣流寇至率民兵破之調新會黃蕭養亂參政戴弁以宗道有謀略檄至郡城隨都督董興刻期平賊考績升海州知州久之以知兵薦升兵部員外郎卒於官

人物志

蔡雲瀚初名蒲字九節大庾人宣德進士初授工部主事謫判平樂後歷福建僉事謝事家居以文學著稱

林志

譚清字元潔大庾人父敏舉鄉試任州縣有循政清自幼端莊長矜行履天順中貢入監授南甯訓導由國子學錄升荆府伴讀陳規諫不聽乞致仕後二年王果不道命總憲戴珊往體察得清所爲箴銘詩記悉規諫語擬疏錄用以既沒而罷人物志

張九逵字天衢大庾人宏治進士厯知揭陽休寧二縣擢南京禮科給事中端重方雅值內璫劉瑾誅疏瑾及賂瑾致大位者悉罷之除瑾所矯詔諸苛法擢湖廣參議改廣西督軍征蠻冒瘴卒於任分省人
物考

劉節字介夫南安人宏治鄉試第一會試第六及廷對以敷陳剖析真二甲授兵部主事逆瑾竊政謫尹宿松升廣德知州累官四川提學僉事福建浙江布政使擢

副都御史巡撫山東總督江淮漕運疏漕政五事次第
行之嘗疏舉人才特薦泰州布衣王良績最晉刑部侍郎
星變疏乞致仕卒年八十輯有廣文選周詩遺軌春秋列傳兩漢七朝文藪聲律發蒙並行於世

分省人
物考

王鑾字廷和大庾人正德進士授邵武知縣入爲都水
主事出轄徐沛牖河織造中官史宣過其地索輓夫千
人沛縣知縣胡守約給其半宣怒自至縣捕吏鑾助守
約與抗宣誣奏於朝逮繫詔獄以言官論救守約罷官
鑾輸贖還職已分司南旺又捕誅中官廖堂姪廖鵬之
黨嘉靖初遷武昌知府鎮守中官李景儒歲進魚鮓多
科率鑾疏請罷之楚府征稅茶商重困鑾謂稅當歸官
力與爭王訢爲毀辱親王鑾遂請終養不待報竟歸吏

部坐以擅離職守奪官

明史徐文溥傳

劉寅字彥亮大庾人正德進士累官湖廣布政使弭楚藩英燿之難引年致仕壽九十餘卒長子自南以孝謹

稱志人物

譚璋字德武大庾人諸生幼從父於東莞縣治父以南京部郎言事里居璋亦感憤爲學文慕周秦書仿鍾王各極其至性至孝母劉宜人卒一慟幾絕三年不出苦次以哀毀致疾而卒

玉茗堂集

胡述上猶人好計議初爲增廣生正德末王守仁征粦辟爲贊畫賊平授冠帶及宸濠之變復召至軍前有贊助功格於例不得授世蔭

人物志

王溥霖南康人正德末王守仁征粦溥霖杖策謁見糾

合族里願從軍者爲數隊奮擊斬獲後狃勝中伏遂陷
沒守仁書扁旌之

府志

劉昭文字汝簡南康人嘉靖進士授行人進刑部員外郎年甫二十五遂絕意仕進從學於湛若水鄒守益之門與同志聚講旭山所著有求正集

人物志

王事聖字忠卿南康人嘉靖鄉薦任華陽知縣升蘇州同知尋擢鎮江知府汪元洪等煽亂事聖討禽之調黎平府軍民不輯事聖以公誠臨之復上疏改鑄印文加軍民字邊境靖謐踰年致仕蘇州鎮江俱祠之

人物志

黃養蒙字存一南安人嘉靖進士授遂昌知縣前令爲豪猾所誣養蒙廉其非辜白出之擢吏部偏厯諸司計吏之歲日夕居曹中杜一切私謁旌別黜陟悉協輿論

遷南太常少卿晉光祿卿尋升南戶部侍郎南安故無
城戊午邑燬於寇力贊邑令夏汝礪築城之議已而寇
復至邑賴以完後令議濬萬石陂復懲之二事爲邑
百世利里人深德之肖像立祠

分省人
物考

鄭溥南安人由進士爲無錫令訪知其禮俗所由壞因
示民以奢敗儉存戒禁明白自以裁減一身服御爲率
至其張具上官館遇過客俱酌豐約之中曰勞民以悅
人非吾心也暇則與士大夫接歡卒莫敢撓以私秩滿
升南京戶部主事揚州置分司榷舟有大小二關舊皆
征之溥往司榷通小關恣舟行而國計仍足後擢雲南
知府丁憂家居卒年五十六

分省人
物考

譚一召大庾人官南京刑部郎中萬曆閒上疏劾閣臣

王錫爵輔政以來斥逐賢者無虛月怒心橫生觸事輒
發不知有是非公論帝怒除一召名給事中葉繼美疏
救帝益怒遣歸逮一召錫爵力救乃免逮遂廢於家

明史

范希安傳

黃天暘南安人由舉人知英德剛正嚴明不畏權勢時
中官遺取英石暘卻之曰此石何用徒勞民耳儻以爲
奇請詣九嶷觀之更奇特也堅持不與及去士民攀號
以留者千計

廣東通志

孫希夔字子樂大庾人天性篤摯事繼母備極孝道以
鄉試第一歷知陽春唐縣勤敏於政興利革弊雪大辟
冤獄九人均徭役甦偏困撫按屢薦將題擢科道以事
忤中官遂致仕

府志

謝志舊案安志孝義傳有南康蔡恢陽敷盛賴汝威大庾沈安劉忠學

劉琥鉢憲上猶張璠吳孟傳
張朝臣俱以孝稱附錄之

傅慶貽字有積南安人由進士知番禺縣公恕廉明催科不擾凡圖命誣盜匿訐諸奸俱絕有訴子不孝者察其貧無以養捐俸給之父子感泣丁艱去任行橐蕭然民爲勒石以誌去恩

廣東通志

黃華秀南安人由進士爲韶州司理精明以輔其仁果斷以行其恕雪殺姑之冤釋代兄之囚辨冢之詭韶人至今稱之擢南御史

廣東通志

王三重字坦齋大庾人進士厯知龍門番禺潮陽三縣所至以廉明著擢吏部主事忤魏璠去崇禎初起文選司疏陳銓司賄徇之弊上嘉之溫體仁以戚屬託弗聽體仁怒或遂誣三重以贓私謫戍搜其邸囊止六金朝

士噴然曰有如此賊吏邪體仁敗臺諫交白其冤特召用未行而卒前在龍門時有告人盜牛以皮置池中一搜得之三重曰此詐也皮在池中汝何從知告者首服其發奸摘隱類如此

廣東通志

國朝

劉如昌字天卿大庾人自幼失怙家貧事母盡孝嘗出行遇賊欲殺之如昌跪泣曰死弗敢避有寡母在此身若死將并擯於溝壑矣言訖大慟賊憐而釋之又山行遇虎虎不爲害及母卒哀毀盡禮每雷雨輒詣墓側哀號至老不改年八十卒

自志

蔡希舜字仲韶上猶人八歲能文長而博極羣書以明經授司理不仕隱居授徒郡邑能文者多出其門年八

十卒著有雲溪集行世子志育以明經司訓永新攝永
甯學事志廉順治丁酉鄉舉白

劉永慶字善符大庾人純慤眞實以孝友稱勇於爲義
與同邑易明宇善明字病篤託妻子永慶曰是吾分也
微子言吾將恝然邪值兵亂明宇家產蕩盡永慶贈其
妻子爲營婚葬復分已產之半并童僕給之謝志

陽汝貞南康人幼有至性年十二粵藩叛父見殺汝貞
與母相失自鬻南楚以思母故日夜悲號久之逸歸知
母在衛輝李氏乃隻身徒步八十餘日詣其家奉母以
歸孫望雅爲作陽孝子傳府志

蔡均安字綏男南康人幼喪母既窆朝夕哭奠墓下甲
乙之際寇難四起父攜之避寇猶乘閒奔母墓焚遺衣

泣拜而後行已而父爲寇掠踉蹌追及竊以身代寇憐其幼遺偕父去遺以物謝勿受亂定有司以其父爲里長父老不任均安詣縣請代卒免於役并汰其戶荒糧父歿依墓爲廬暮夜有行竊者見巨蛇繞屏不敢犯孫詔清自有傳

府志

周純鉉南康人性至孝父病晝夜侍湯藥及卒廬墓三年後其母卒遂廬墓餽粥敝衣不復歸知縣何溥上其事奉

旨旌表

府志

蕭士維字重臣崇義人諸生明季韶州賊入境掠其叔望隆去日笞榜索贖士維與姪斯元往質望隆歸傾橐以贖賊欲未厭有僕王元明投賊中伺動靜賊使元明

爲門卒一日賊笞士維斯元無完膚且約來日金不足必殺之旣夕元明醉守者欲呼二人出二人大方對泣恍惚聞人呼急走聳身起立繫已脫負痛至門元明爲啟鑰同逸大庾知縣武承謨爲之傳

府志

朱國藩大庾人明貢生官湖州通判明制漕運白糧由民自運奸人引奄寺侵勒累歲逋負大爲民害國藩廉其弊陳言大府奏入盡除其累每徵糧貧民虧額者爲稱貸代輸鼎革後有惠政如初

浙江通志謹案謝志原注浙江通志今考浙

江通志無國藩傳

康世輪字子御崇義人康熙鄉舉父萬和爲寇掠去脅之贖金無以應萬和遂遇害世輪引刃自戕賊哀其孝力救之負父尸以歸喪葬如禮廬墓三年方苞爲志其

墓志

林必儀字湛持南康人康熙鄉舉官阜城知縣邑當孔道應役車馬舊皆予半值必儀請於上官哀民重累全價給之嚴治吏胥案無留牘獄有老嫗舊以駁斃少婦定讞必儀察其冤白上官斷棺檢視無左驗卒予平反爲治以導民孝弟爲本進秀貞者與論文字秩滿歸襄橐蕭然不自爲意

府志

廖應鳴崇義人諸生康熙甲寅寇變奉父母及叔父走贛州遇寇被執應鳴慟哭告哀賊感動皆釋之母卒致哀盡禮事繼母稱孝繼母卒廬墓三月

府志

劉法發字子騰上猶人拔貢生康熙中粵寇薄城法發夜縋而出走贛州告大帥曰城危在旦暮許假援兵願

前驅殺賊帥許之遂身先士卒直抵城下大呼城中應之賊驚遁父老共謝之法發曰此大義非私恩何謝爲

府志

林作樑字松章南康人歲貢生官德安訓導不就杜門撰述於儒先之旨時有發明

府志

朱名洋字崙起上猶人拔貢生與紀大奎友善爲序其觀易外編以分校

四庫書成議敘山東州同

府志

戴第元字正字大庾人乾隆舉人中明通榜授興安教諭訓士嚴而有法旋成進士改庶吉士散館授編修厯典江南山東湖北鄉試充順天鄉試同考官視學安徽湖北所至稱得人擢御史累進太僕寺少卿以病乞休

卒子心亨編修衢亨自有傳

府志

戴均元字可亭第元弟乾隆進士改庶吉士散館授編修遷御史累轉光祿寺卿疏請直省州縣買補常平倉穀厯官刑部侍郎出勘河南衡家樓河道監修

裕陵隆恩殿

萬年吉地工程調吏部侍郎再赴南河會河道總督徐端籌苦清濟運均元疏言河防無一勞永逸之計請濬王營減壩以下鹽河等工又請疏清口改義壩爲隄工均如請行復奏徐州城南岸天然閘峯山四閘北岸蘇家山閘水綫河皆減黃舊路宜時宣洩免倒灌旋授江南河道總督減壩工成加太子少保

賞戴花翎坐失察降三品京堂補左副都御史進倉場侍郎河

東河道總督吏部侍郎擢左都御史禮部尙書

賜紫禁城騎馬時直隸總督那彥成奏請永定河下口移改南

岸

上以均元通曉河道使之履勘均元請仍歸北口堵築從之調
吏部尙書協辦大學士仍加太子少保軍機大臣上行
走充

上書房總師傅授文淵閣大學士加太子太保旋以河決
馮宿村河南巡撫程祖洛請濬新河

上命均元往視均元奏言漳河支流穿錯疏濬新河若春水盛
漲勢必潰溢請治舊河以歸故道再勘直隸元城紅花
隄河內內黃袁邨缺口順往河南會勘漳河漫口迤下
情形尋奏紅花隄西平行修復無益元城引河可冀分

洩當築兩隄以杜旁溢漳河北徙水勢分殺應請於樊
馬坊馮馬坊北岸支流築隄以併分流再堵辛莊漫水

河心田家營十處兩岸宜設柴壩以衛民居得
旨允行均元四典鄉試兩爲督學兩充會試總裁總纂明鑑在

禮部時纂修科場條例累以事被議當奪職

上加恩改留任及

仁宗睿皇帝實錄告成以均元充總裁官

賞其子詩亨員外郎孫嘉秀舉人均元屢疏乞休

上慰留再四道光四年復以年届八旬籲請解職

特諭在籍支全俸

賜詩以寵其行明年

賜頤性延祺額及諸珍物復以

萬年吉地工程堅固加太子太師擢詩亨郎中九年戊子重宴鹿鳴再蒙

御書之賜會寶華峪地宮浸水應得罪

上念均元年耄又非始終經理之官免之令回籍奪其子若孫官及舉人十一年奉

旨戴均元之子詩亨加恩授七品小京官均元卒時年九十五

本傳
府志

蔡韶清字以甯南康人乾隆進士官湖北興山知縣以寬平爲治手判口答案無留牘境苦旱教民作水車時咸稱便旋攝歸州歸多豪猾號難治韶清以嚴懾之空舲峽險惡恒壞舟設救生船以備不虞上官知其才調漢陽復設巡江船立捕盜賞罰治訟獄如興山期月釋

因二百有奇再調黃岡緣事罷歸楚人懷舊德多戶祝之

府志

謝啟昆字良璧南康人乾隆進士改庶吉士授編修出典河南鄉試充會試同考官居詞垣有重名出爲江蘇鎮江知府旋調揚州執法持平歲饑發粟以賑活民無算以東臺民徐述夔詩獄發生坐遲延謫戍軍臺尋復原官兩江總督薩載奏留江南遭父喪復奏留之命權甯國知府俟服闋實授再遭母喪乃歸起復江南知府擢河庫道補積逋數十萬遷浙江按察使權布政使舊例設糧長胥吏指富戶充之輒破產啟昆至除糧戶之目吏民無擾再遷山西布政使調浙江布政使杭多火災啟昆爲立救火諸法禁嘉興民之阻葬者進廣西巡撫

奏請疏興安陡河修海陽隄還民田萬餘畝廣西邊境
土司四十六籍種殖自給生齒漸繁復以安南兵事出
夫供役財用不足客民因假貲而重其息輒攘其產啟
昆廉知其弊定土客債負本利相準盈數則撤產歸主
以五年爲期又以諸土司所居地物產稀少客民販運
藉通有無疏請無庸禁止啟昆講求吏治期於實用在
山西籌補積虧八十餘萬在浙江亦補虧帑十之五至
是廣西以孫士毅用兵安南軍需供億所費不貲三十
九州縣皆有虧短啟昆以分賠非同侵蝕咨追無益帑
藏因奏請立法分限按數彌補奉

旨嘉納廣西錢局購銅雲南初用高銅後改高下各半繼改高
四下六皆以本省高銅配鑄自銅廠封閉專用滇銅色

黯質胞請一律改買高銅不足價銀僅千餘兩卽由巡撫司道義廉撥補疏入下部議行旋卒於官有

旨給銀三千兩治喪

賜祭葬如例啟昆博聞強識實事求是尤深於史學嘗蒐輯遺逸撰西魏書手定廣西通志酌古斟今講求義法海內宗仰推爲志家第一善本官山西布政使時與山東兗濟曹沂道孫星衍議湯陵所在文移往覆考訂論辨具根據星衍亦無以難也子四學增主事學崇開歸陳許道學峒河南糧鹽道學培同知孫振晉旣生山西汾州通判府志

戴衢亨字荷之第元子由舉人赴天津府

召試

賜內閣中書入直軍機房乾隆四十三年一甲一名進士授修撰出典湖北鄉試仍直軍機秋獮扈

蹕獲麅以獻

賜詩并

命和韻再典江南試督學山西旋改湖北衢亨奏親老患病無

次子侍養乞留京供職

旨允其請以憂歸起原官典湖南試督學廣東累官侍讀學士賞三品卿銜隨軍機大臣學書行走

賜紫禁城騎馬屢遷至兵部尙書兼順天府尹川楚教匪平敘

功加太子少保世襲雲騎尉調工戶二部尙書充會試總裁直南書房進協辦大學士充日講起居注官掌

院學士典順天鄉試奉

命視南河予假省墓并視叔均元病狀入都偕長麟會議河東

河道奏以戴里屯宜復石閘王營宜改築滾壩增建石

壩雲梯關外舊無隄埝八灘以上宜築新隄淮揚一路

先爲土坡以殺衝擊智禮二壩宜加石基四尺奉

旨允行再偕長麟出勘南河覈揚州鹽政驗山東牛頭河工歸

賜第南石槽晉太子少師充

殿試讀卷官會給事中花杰劾衛亨庇奸商援引交結閥

卷官顛倒舞弊

上知其誣命花杰降調衛亨降一級留任尋授體仁閣大學士

扈從

巡五臺衛亨病作

命先歸遣御醫診治尋卒

上親臨賜奠贈太子太師入祀賢良祠

賜祭葬予謚文端子嘉端賞舉人是年庶吉士散館洪瑩黃旭
列一等皆花杰所指援引頗倒者

上諭廷臣曰文章自有定評戴衢亨蓋相論定心迹已明應含
笑泉下矣府傳

李如筠字介夫大庾人乾隆進士改庶吉士散館授編
修幼岐嶷過目成誦長耽經史通籍後學益力出典湖
南鄉試旋奉

命視學福建未行遭父喪哀毀成疾卒

府志

蔡家玕字玉山上猶人嘉慶進士改庶吉士散館授工
部主事累擢江南道御史典試福建轉吏科給事中出
爲衡永郴桂道調岳常澧道湖南有漕案率連兩省積

牒如山家玕承檄集訊會湖北文卷先期至湖南巡撫
遂請歸湖南審理家玕逐款平曲直數十年不決之訟
一朝而定澧州津市居民萬餘戶市後隙地爲溝洫導
諸水入河奸民聚眾築隄瓦二十里水不得洩將爲澤
國州官畏眾勢不敢問家玕手書築隄之弊張之市上
密獲其渠以利害諭之奸民悔禍私毀其隄家玕乃出
錢千緡給工食費數日盡平以親老乞歸將去官前一
日猶治沅江獄沅江諸生與縣役互訟久不解以訟故
死者三人矣至是聞家玕將行恐後無能理者兩造自
詣庭陳曲直不諱乞家玕一言於是盡得其詳獄遂定
留一畫夜治文書釋數十人

附

余遂生崇義人道光進士授銅梁知縣歷權營山宜賓

秀山西陽調知巴縣遂生慷慨有氣節少從父遊閬中
有友卒於官爲經紀其喪至蜀大府數命讞獄出冤民
數百人民信服之所至稱治大定令某病歿遺書託妻
子遂生爲歸其孥且代償官逋川中盜起奉檄往緝事
平加知州銜引疾歸

府志

馬世璜大庾人咸豐進士貴州知縣權八寨廳同知政
尚簡靜善拊循士民德之獨山州苗叛驟攻城城中無
一兵世璜集民固守夜黑燈火絕用吳階守金鄉法藝
香城上苗不能測遂遁去會粵賊至求援不得民故信
世璜相與協守糧盡守益堅厯四閱月城陷世璜急入
別母母揮之出率親兵巷戰手刃數賊中賊矛洞膈死
母劉妻許妾繆子榮槐並舉火自焚奏入

賜卹如例

府志

邱炳春南康人諸生咸豐間粵賊犯吉安贛南道汪報閨募勇援萬安炳春以諸生應募進勦百家邱遇伏被執誘降不屈賊怒裹綿漬油焚之事

聞卹廕如例

府志

戴景海字霞軒大庾人官浙江嘉興通判攝湖州烏鎮同知有政聲奉調至省咸豐辛酉粵賊犯杭州隨大吏登陴守晝夜不懈城陷被執罵賊不屈死僕戴錠應松從焉事

聞優卹

府志

李德堃字振寰大庾人咸豐鄉舉將與計偕適粵賊寇都以母老不敢行母蕭諭之曰丈夫建功立業非徒取

科第也今鄉里告警蓋殺賊自效乎德茲聞命奮力兵
閒猶時時歸省母母曰城危得全卽汝孝也奚戀我爲
及城破德茲陣亡母舉火自焚全家殉焉

府志

謹案

難者大庾文生蔡文垣武生魏紹魁舉火自焚兩家凡一百十餘人李植桃年七十四力戰陣亡張政森傅宗翰亦戰死皆荷賜歸上猶諸生蔡泰琳蔡世承尹淑元監生黃耀暉儒士黃耀昊從九品鍾克鍾並戰

死